


B. N. C.  
FIRENZE  
1010  
19



1010.19

Q V A T V O R  
P R O B L E M A T V M

Q V Æ M A R T I N V S H O R K Y  
Contra Nuntium Sidereum

D E Q V A T V O R P L A N E T I S N O V I S  
Disputanda proposuit .

C O N F V T A T I O .

Per I O A N N E M V v o d d e r b o r n i u m  
Scotobritannum .



P A T A V I I ,

Ex Typographia Petri Marinelli. M. DC. X.

*Superiorum Permissu.*



THE  
LIBRARY OF THE  
MUSEUM OF NATURAL HISTORY


AND  
ZOOLOGICAL GARDEN

OF THE  
CITY OF LONDON



ACCESSION  
NO. 1000

1850



ILLVSTRISSIMO DOM. D.  
**HENRICO VVOTON**  
POTENTISSIMI MAGNÆ  
BRITTANIÆ  
**R E G I S,**  
APVD SENATVM VENETVM ORATORI,  
Domino meo Colendissimo.



**C**VM Vidissem omnes ferè, libros  
suos vt par est Magnatibus inscri-  
bere, decreui & ego idem facere:  
non tamen vt multi, qui etiam in-  
doctorum, & quibus scientiæ illæ  
quæ propter se sunt nausæ esse solent, patroci-  
niū inuocant. Tibi igitur nobilissimis orbe parē-  
tibus, bonarum artium refertissime, cuius ani-  
mi dotes naturæ munera æquiparant, non librū  
offero, sed semimenstruum hunc laborem libo;  
a a quem

Quem mihi propter iter quod ante duos menses  
fulcipere cogebar non licuit publicis typis ex-  
scribere, nunc autem post reditum propter im-  
minentia studia, non licet tanquam rem tuo no-  
mine dignam perpolire. Accipes tamen No-  
bilissime Domine, munus hoc leuedense, in te  
meæ obseruantiaæ gratum testimonium: ac fau-  
sto fidere, (quamuis nobis infausto, & sophiaæ  
amatoribus omnibus fautor eximius, & Mæce-  
nas amplissimus eripiaris; ) in patriam reuerte-  
re, vt pro rebus per tot annos foris bene gestis,  
promeritos domi attingas honores. Vale.


Dat. Patauij. 17. Kal. Nouemb. M.DC.X.

*Illustrissima Donationis tuae*


*Additissimus Famulus,*

*Io. Poodderbornius Scotobritannus.*

AD LE



# AD LECTOREM.



**C**IT O. Sunt Menses, postquam è Cœ-  
lo ad nos mortales delapsus fuerat  
Nuntius Sidereus, magna admirabi-  
liaque spectacula Philosophis, atque  
Astronomis pandens; Ille primo ingressu de fa-  
cie lunæ inaudita commemorans. crucem fixisse  
Philosophis: ille idem quoniam innumeras de-  
texit Stellas fixas; & quatuor novos introduxit  
planetas, astrologiæ peritiam & principia pri-  
ma ex instituto subvertere, visus est. Nec mi-  
nus omnes stupore afficiebantur, quam primi  
illi hominum, qui Solem ecclipsari, & lunam  
nocte inuolui conspexerunt, tanti naturæ mira-  
culi causam ignorantes. Expectabamus à præ-  
stâtissimis Mathematicis circa Phænomena hæc,  
placita varia, & controuersias non paucas, præ-  
cipuè vero cum, qui Nuntio in faciem contra-  
diceret:



diceret: Verum silebant Clauij, abstinébāt Ma-  
gini, deferebant alij. Ecce autem vnus Marti-  
nus HorKy, noluit omnium animos tandiu su-  
spensos detineri: haud hāsitanter ille contra  
Nuntium scripsit, & contra quatuor nouos pla-  
netas, quatuor Problemata disputanda propo-  
suit, quæ ego discutienda, & in sequentibus exa-  
minanda accipio, vt eluceat num tam scite, sicuti  
audacter Nuntium oppugnarit. Quoniam vero  
contra Mathematicum eximium, impudenter sæ-  
pe nimis agit, vt patet voluenti eius Peregrina-  
tionem contra Nuntium: Tu Lector benignissi-  
mè promptius excandescentiæ nostræ donabis  
veniam, si quando illum paulo asperius, (quod  
est præter nostrum morem) cōpellauero: & quia  
præfatio ipsa suis scatet erroribus, eam primo  
perpendamus.



Die erste Seite ist mit dem Namen des  
 Verfassers beschriftet, der Name des  
 Verlegers steht auf der zweiten Seite.  
 Der Titel steht auf der dritten Seite.  
 Der Inhalt des Buches ist auf der vierten Seite  
 angegeben.

Das Buch ist in zwei Teile unterteilt.  
 Der erste Teil enthält die Geschichte der  
 Stadt, der zweite Teil enthält die  
 Beschreibung der Stadt.

Die Geschichte der Stadt ist in drei  
 Abschnitte unterteilt.

Der erste Abschnitt enthält die Geschichte  
 der Stadt von der Gründung bis zur  
 Mitte des 17. Jahrhunderts.

Der zweite Abschnitt enthält die Geschichte  
 der Stadt von der Mitte des 17. Jahrhunderts  
 bis zur Mitte des 18. Jahrhunderts.

Der dritte Abschnitt enthält die Geschichte  
 der Stadt von der Mitte des 18. Jahrhunderts  
 bis zur Mitte des 19. Jahrhunderts.

Die Beschreibung der Stadt ist in zwei  
 Abschnitte unterteilt.

Der erste Abschnitt enthält die Beschreibung  
 der Stadt von der Mitte des 17. Jahrhunderts  
 bis zur Mitte des 18. Jahrhunderts.

Der zweite Abschnitt enthält die Beschreibung  
 der Stadt von der Mitte des 18. Jahrhunderts  
 bis zur Mitte des 19. Jahrhunderts.

Ego Fr. Vincentius Panhormitanus Regens Studij Patauij, vidi hoc opus diligenter, nihil continere contra fidem, nec contra Principem, seu bonos mores, ideo meo iudicio, iudico imprimendum fore.

Stante suprascripta attestatione conceditur, vt imprimantur Fr. Angelus de Arimino, Vic. Sancti Offic. Paduæ.

Imprimatur. O&auius Liuellus pro Serenissima Republica Veneta.

Imprimatur stantibus suprascript. Illustris. D. Potestatis.

Canc. Præt. mand.

## DISCVSSIO PRÆFATIONIS.



PRÆFATIO malignum peregrini detegit animum, ubi in suam conatur trahere sententiam, virum eruditissimum Io. Keplerum Cæsareæ Maiest. Mathematicum dignis. Rectè factitatum, quia ad prologū attinet qualisnam futura sit comœdia aperire: Scio nonatorum hoc omnium commune esse vitium, cum aliena citant scripta, sententias scindere, & mutilas adducere auctoritates. Sed audiamus ipsius Kepleri verba.

*Nemo tamen existimet, me hac libertate assentiendi Galilæo, dissentiendi ab ipso libertatem alijs ereptum ire: Saluo cuiusque iudicio illum laudari. Quinimmo si qua hic etiam propria dogmata suscepi defendenda: Quamvis id veritatis opinione Serioq; animo feci: non tamen granatim eadem me polliceor abiecturum, primum atque mihi doctiorum aliquis errorem legitima methodo demonstraverit.*

Obstupesco cur hæc in tuis Prolegomenis inserueris, nunquid clarè non profitetur se cum Galilæo, idem sentire? fortè dissimulat, quoniam pollicetur se hanc opinionem deserturum, simulatq; ei doctiorum aliquis errorem legitima methodo demonstraverit? Sic profectò suam ipse secum dissimularet sententiam, cum de propriis dogmatibus, idem polliceatur. Hic erò quoniam tu is es, qui in tuis quatuor problematibus, illius errorem, legitima methodo detexisti? scilicet.

Sequuntur hæc in eadem præfatione contra Nuncium:

*Secundo aperit & verè Mathematicè contra Nuntium ait. An parum hoc fuerit Magnorum Hetruræ Ducum Familiam ludificari? medicumq; nomen figmentis suis præfigere? &c.*

Intimè penetras. Quodnam præter ex his argumentis mathe-

A mathematicum

## Discussio

maticum est? Doctissimus Keplerus intimaſerat, quibus de cauſis animum ad ſcribendum appuliſſet, & antequam priuatim ad ſingulas obſeruaciones examinandas deſcēderet, enumerat rationes propter quas, cum ille perſpicillum apud ſe non haberet, tam facile crediderit Galileicis aſſertionibus, non ſolum de quatuor planetis nouis, ſed in vniuerſum cur fidem non derogat Phænomenis lunæ, aliſq; admirabilibus ſpectaculis, quæ moralibus ſuſpicienda, & contemplanda exhibuit Nūncius ſiderius. Kepleri articulatæ voces ſingulæ ſunt hæ.

*Temerarius forte videri poſſim qui tuis aſſertionibus, nulla propria experientia ſuſſultus, tam facile credam? At qui non credam Mathematico doctiſſimo, cuius vel ſtilus iudiciꝝ rectitudinem arguit, qui tantum abeſt, ut ſe ſe vanitati dedat, ſeſeq; viſiſſe d'Etret qua nō viderit, popularem anram Captans; ut vel receptiſſimis opinionibus: veritatis amore non dubitet repugnare, vulgiq; vituperia ſuſq; deq; ferre? Quid quod publicè ſcribis, probrumq; ſi quod committeretur, clam habere nequaquam poſſet? Egone, ut Patriſio Florentino fidē derogem de ijs quæ vidit? perſpicaci luſciolus? inſtrumentis oculari-  
bus inſtructo, ipſe nudus & ab hac ſupelleſtili inops? Egone credam omnes ad eadem ſpectacula inuitanti; & quod caput eſt, vel ipſum ſuum inſtrumentum, ad faciendum fidem oculis offerenti?*

*An parum hoc ſuerit, Magnorum Hetruræ Ducum Familiæ lud ſicari, Medicumq; nomen ſigmentis ſuis præſigere, planetas interim veros pollicentem?*

*Quid quod proprijs experimentis, quod & aliorum aſſeuerationibus, in parte libri deprehēdo veraciſſimum? Quid cauſe ſit cur ſolum de quatuor planetis deludendum ſibi putauerit orbem.*

*Quid clariuſ? noluit enim eximius Philoſophus, circa alias quæſtiones quicquam diſſerere, niſi prius conſtitutum fuiſſet, quod res eſſet; deinde oſtendit quomodo vna obſeruatio fidem faciat alteri, & antiquorum placitis congruat, hiſce verbis.*

*Tres ſunt meſes cum auguſtiſſimus imperator ſuper lunæ maculis varia ex me quaſiuit, in ea conſtitutus opinione; Terrarum & continentium ſimulachra in luna teu in ſpeculo reſplendescere. Allegabat hoc potiſſimum, ſibi videri expreſſam Italiam cum duabus adiacentibus inſulis effigiem; ſpecillum etiam ſuum ad eadem contemplanda offerebat in dies ſequentes, quod omiſſum tamen eſt. Ad eodẽ eodem tẽ-*

pore

pore Galilæe, Christi Domini patriam vocabulo præferens Christiam orbis Monarchiam (eiusdem irrequieti spiritus instinctu, qui naturam detectum ibat) delicijs tuis amulatus es.

Sed & antiquissima est hæc de maculis luna narratio, sulta auctoritate Pythagoræ, & Plutarchi summi Philosophi, & qui si hoc ad rē facit, proconsulari imperio Epirum tenuit sub Cæsaribus. Ut Mæstlinum adeoq; & mea optica ante annos sex edita præteream, inq; suum locum inferius differam.

Hæc igitur cum consentientibus testimonijs etiam alij de luna corpore assenserent, consentanea ijs qua tu de eodem longe dilucidissima affers experimenta: tantum abest, ut fidem tibi in reliquo libro de quatuor circum-Ionialibus planetis derogem, ut potius optem mihi in parato iam esse perspicillum, quo te in deprehendēdis circum-Martialibus (ut mihi proportio videtur requirere) duobus, & circum-Saturnijs sex vel octo præuertam; vno forsan & altero circum-Venerio, & circum-Mercuriali accessuro.

Et ut patcat illum vniuersaliter esse locutum subiungam reliqua kepleri verba.

Age igitur, ut de rebus certissimis, meisq; oculis, ut omnino spero, videris, tecum Galilæe sermonem conferam; tui quidem libri methodum secutus, omnes vero philosophia partes, qua vel ex hoc tuo Nuntio ruina minantur, vel confirmantur, vel explicatur iuxta peruagaturus: ut nihil supersit quod lectorem philosophia deditum suspensum teneat; & vel à fide tibi perhibenda prohibeat, vel ad contemnendum qua hactenus erat in precio philosophiam impellat.

Hic cogita parum, num tibi vel cuius alij animum addiderit keplerus ad scribendum contra Nuntium; deinde quædam habet de perspicilli fabrica, secundo transit ad phænomena lunæ, tertio ad stellas fixas, & tandem ad novos planetas.

Verum hisce non satiat pergrinus noster, hæc demum attulit. Profert tandem (videlicet Cæsaris Mathematicus) argumentationes, & rationes inuictissimas contra hunc Nuntium, & totum negotium pag. 34. argumento verissimo claudii inquit. Occurrit vero mihi ista: si quatuor hi planetæ disci forma plano ad Iouem conuerso circumueant, ut ad excursus maximos nobis, & soli obijciantur, ut linea, supra & infra irradiantur perpendiculariter, videanturq; magni, & fortè diuersi colores sint pro diuersitate planicierum.

## Discussio

Fortè quia non sat bene intellexisti subtilitatem kepleri putasti illum argumentari contra Nuntium : Sed audiamus kepleri integram sententiam , & ille ipse te condemnabit.

*Tecum Galilee incepti tecum finem faciam. Miraris non frustra, cur tanto discrimine magnitudinis Medicea sidera suas mutent facies. Causas quas comminisci quis posset, tres rejces argute & Mathematicæ. Ponis vnâ physicam, ut possibilem: de qua tempus docebit. Occurrit vero mihi ista: si quatuor hi planetæ, disci forma plano ad solem conuerso circumeant, ut ad excursus maximos nobis, & soli obijciantur, ut linea, supra & infra irradiantur perpendiculariter, videanturq; magni & forte diuersicolores sint, pro diuersitate planicierum. Sufficiat monuisse.*

Quid clarius? recordari debuisses in fine Nuntii redditâ fuisse rationem quamobrem planetæ noui varient magnitudinem, & reiectis duabus responsionibus Galilæum attulisse suam, quam keplerus non improbat, sed solummodo assert aliam nouam, post illa verba: *Occurrit mihi ista*; vult enim mutabilitatem hanc in magnitudine saluari posse alia via; si nempe concipiamus planetas habere figuram lenticularem quemadmodum habet discus, adeo ut cum aliquis ex quatuor nouis planetis maxime distat à Ioue tunc obiciatur nobis lateraliter, & consequenter appareat multo minor, quam cum secundum faciem vnâ totam orbicularem conuertitur ad nos: Si itaq; planeta haberet formam disci, quando disci facies tota ad nos conuerteretur tunc planeta conspiceretur maior, quam cum latus disci solummodo ad nos conuertitur.

Vide igitur num argumētationes inuictissimas adduxerit keplerus contra novos planetas, cum potius adducendo rationem, quæ eorum mutabilitatem in magnitudine saluare posset, responderet ad argumentum quod contra novos planetas, ex eorum tam frequenti magnitudinis variatione deduci poterat.

Quoniam verò peregrinus hoc pallio; reliquas imposturas quas in sequentibus quatuor digessit problematibus, muniendas censuit: liceat mihi paulo attentius per excellentissimi viri scripturæ seriem incedere, & ostendere quam maligne impostor hic, Cæsaris Mathematicum in testimonium vocauerit. Fateor equidem non esse turpe cum viris doctis errare, verum illos cum  
aliter

aliter manifestè sentiunt imperfectum eorum adducendo sermonē, ad eorum clientelam suscipiendam cogere, aut inscitia, aut dolus est maximus. Sed age singula pedetentim percurramus. In dissertatione cum Nuntio q. adam præfatus sic inquit.

*Primum exemplum concessu Caesaris mihi contigit inspicere, cursumq; peruolitare; video magna longeque admirabilia spectacula, proposita Philosophis & Astronomis. ni fallor & mihi; video ad magnarum contemplationum exordia omnes veræ philosophiæ cupidos conuocari.*

*Jam tum gestiebat mihi animus, me rebus inferre, quippe pronocatum, & qui eadem de materia ante annos sex scripissim; tecumque Galilæe solertissime, de tam inexhaustis Iouæ cōditoris thesauris, quorum alios post alios nobis aperit, iucundissimo scriptionis genere conferre. Quem enim tacere sinunt tantarum rerum Nuntij? Quem non implet diuini amoris abundantia, per linguam & calamus sese profundens ubertissime?*

Et adductis aliis rationibus propter quas epistolam hanc dissertatricem conscripserit, epilogat.

*Quod igitur mihi propria animi propensione; quod amicis placet; quod diligenter ipse rogas; id faciam: nonnulla spe inductus, me hæc epistola, id tibi profuturum, si eam censueris ostendendam; ut contra morosos nonitatum censors, quibus incredibile quicquid incognitum; profanum, & nefandum, quicquid ultra consuetas Aristotelicæ angustię metas, uno proaspice sis processurus instructior.*

*Temerarius fortè videri possum qui tuis assertionibus &c.*

Sed hæc supra transcripsimus. Deinde ostendit perspicillum nō primo prodiisse à belgis, vt communis ferebat opinio, sed fuisse hoc Io. Baptistæ Porri inuentum magis naturalis lib. 16. c. 10. Hinc Peregrinus occasionem sumpsit dicendi. Tollat Io. Bapt. Porra suum: teneat Caesaris Mathematicus suum. Zoile, nonne ipse Galilæus pagina sexta fatetur perspicillum à Belga quodam elaboratum fuisse, antequam ille huius organi fabricam aggredieretur, attamen qui vtriusque artificium diligenter inspexerit; meritò Galileum sui perspicilli inuentorem pronuntiabit: Nonne in diuersis orbis partibus, idē sæpè à pluribus authoribus prodiit inuentum? ita ferunt Typographiæ artem, & tormentorum fabri-

cam



## Discussio

eam atque vsum, nec ex Europa ad Indias, nec ex Indiis in Europam delatum fuisse, sed in vtrisque locis ambas artes suos habuisse inuentores. In scientiis autem, & præcipuè mathematicis, quâ sæpissimè hoc contingit, vt cum Pythagora diceret, animas transmigra- re de corpore in corpus, & cum Platone scientiam nil aliud quam reminiscientiam esse. Possem multa præclara adducere ex-empla, sufficeret tamen hoc. Franciscus Maurolicus siculus putauit se primo secantium tabulas inuenisse, cum tamen paulo ante, eas- dem in Germania extruxerat Palatinus; neque alter ab altero quicquam desumpsit, vt prælatè testatum habes apud Io. Antonio Maginum, in præfatione ad absolutissimum opus de primo mobili, cuius monumenta, Geometrica, Geographica, in primis autem Astronomica tam varia, semper præceptoris apud me fun- gentur munere; Cui plus profectò me iudice debent, Astrono- miæ studiosi, quam omnibus qui ante illum cælestes numeratut motus. Certè si Io. Baptista Porta suum tollat, nihil Excellentissi- mo Galileo subtrahet; & quia nolo venerandi senis obscurum scri- bendi modum carpere, audiamus Keplerum qui aperit monstrat quasnam eius dicendi modus cõplectatur difficultates, his verbis,

*Cap. XI. nouum titulum facit de spicillis, quibus supra omnem cogitatum longissimè quis conspiciere queat: sed demonstrationem de industria (quod & profitetur) sic inuoluit, vt nescias quid dicat, an de lentibus perlucidis agat, vt hætenus, an verò speculum adiungat opa- cum leuigatum: cuius modi vnum, & ipse in animo habeo, quod res remotas, nullo discriminare absentia, in maxima quãtitate, ideoq; vt propin- quas & præterea proportionaliter auctas exhibet; tanta claritate, quãta ex speculo (quod necessario coloris fusci est) sperari potest &c.*

*Et si igitur anide tuum Galilæe instrumentum, expecto &c.*

Hic incipit explicare qua methodo sibi ipsi perspicillum fa- bricare intendat, ad obseruandum Phænomena à Nuntio propo- sita, vsque ad illa verba, atque hæc de instrumento ipso, quæ opor- tunius in discussione secundi Problematis transcribam. Aggre- ditur postea ea quæ obseruata fuere in facie lunæ.

*Transis secundo ad Phænomena lunaria præstantissima: qua men- tione refricas mihi memoriam eorum, quæ in astronomiæ parte opti- ca Cap. 6. de luce siderum num. 9. super maculis lunæ ex Plutarcho, Maslino, meisq; experimentis adduxi.*

*Ac initio*

*Ac initio perquam iucundum est, & me ipsum in eiusdem lunæ maculis, non ut tu, conuerso, sed averso vultu obseruandis, esse versatum. Schema huius rei habes fol. 247. mei libri: ex quo illud patet, mihi quoque limbum lunæ apparuisse lucidissimum v. d. ique, solum corpus interius maculis fuisse distinctum. Ex eo subit animum certare tecum in peruidendis illis minutis maculis, à te primum in parte lucidiorè animaduersis &c.*

Vide nunc peregrine mi, num sibi retinuerit Keplerus minutas maculas in lunæ parte lucidiorè, & an illas Nuncius ab illo mutuatus fuerit, cum dicat illas primum à Galileo anin aduersas fuisse, & ut ex sequentibus parebit, ingenuè fateatur Galileum, primo maculas veteres, de quibus fuse Plutarchus, albicantibus areolis æqualibus, ceu maria planis insulis interstinctas exhibuisse: immo nec suam de veteribus maculis opinionem, mutauit à keplero Galilæus, cum oppositam in nuncio profiteatur sententiâ; & tantum abest tua hæc impostura à vero, ut Keplerus suum derelinquat, quod contra Plutarchum suscepit defendendum placitum, & in illud Galilæi propter Phænomena noua uideatur inclinare. Considera igitur melius kepleri scripturam, quæ est hæc.

*Pergamus Galilæe, tua excutere Phænomena; nam cū atate lunæ auspiciis obseruata tua, primumq; ostendis, quid corniculata desit ad oualis lineæ perfectionem. Oualem esse speciem circuli illuminatorij demonstravi num. 8. fol. 244. libri mei: terse igitur loqueris.*

*In consideratione macularum à te primum animaduersarum in parte lunæ lucida; omnino optice demonstras ex illuminationis ratione, illas esse cavitates aliquas, seu depressas lacunas in lunari corpore. Sed excitas disputationem quidnam sint illæ tam crebra luna macule partis antiquius lucida putatæ. Tu eas cum vallibus comparas nostra telluris; & fateor esse nonnullas huiusmodi valles, præsertim in Styria Prouincia, specie quasi rotundas, faucibus angustissimis fluminum Muram recipientes supra, emittentes infra, ut sunt Campi dicti Gracensis, Libnicensis, & ad Drauum Marpurgenfis, aliq; per alias regiones quos circum Campos altissima consurgunt montium iuga, speciem abeni exprimentia; quippe non minima pars latitudinis camporum est altitudo circumiectarum crepidinum. Equidem fateor, & sales in luna valles esse posse, Sinuositas montium recessibus propter flumines excavatas. At quia addis tam crebras esse has maculas, ut assi-*  
milens

## Discussio

milent lucidam partem corporis lunaris caudæ pavonis, in vtri specula, velut oculos, distinctæ: Subit igitur animum, num in luna hæ maculæ aliud quid notent. Apud nos enim in tellure sunt sinuose nonnullæ valles, at sunt etiam in longum protensa secundum fluviorum decursus, profunditatis non contemnendæ: cuiusmodi veluti perpetua vallis est Austria fere tota, propter Danubium, inter Moravia, & Styria montes depressa, & quæ, & ego dira. Cur igitur nullas tales longas in luna maculas proas? Cur plerasque circulo circumductas? Anne licet coniecturis indulgere, lunam veluti pumicem quendam esse creberrimis, & maximis poris undique debiscentem? Patiens enim æquo animo, ut hic per occasionem aliquid indulgeam speculationibus meis, commentario de Marte. Cap. 3 & fol. 157. propositis: ubi ex eo quod luna à tellure duplo celerius incitatur, quam partes ipsæ telluris extimæ in circulo æquatore; Collegi, lunare corpus esse rarum admodum, quodque exigua materiæ pauca cōtumacia præditum, raptui telluris non multum resistat. Veruntamen hæc (de absolutis cavitatibus non per montes formatis) tanti non sunt, ut si iuxta tuas sequentes narrationes flare omnino nequeant, pertinaciter defendenda putem. Nam Clarissimis experimentis lege planè optica reddidisti confirmatissimum, in lunari corpore multos per lucidam partem, præsertim inferius consurgere apices, inflat aliorum montium nostræ telluris, qui primi orientis in luna solis luce fruuntur, eaq; tibi perspicillo tuo videnti detegantur.

Quid iam dicam de tua super antiquis maculis lunæ disputatione exactissima? cum fol. 251. Libri mei sententiam Plutarchi adduxissem, lunæ maculas illas antiquas pro Lacubus, seu Maribus habentis, lucidas partes pro continentibus: non dubitavi me opponere, & contraria ratione in maculis continentes, in lucida puritate humoris vim ponere: qua in re mihi vaKerius valde applaudere est solitus. A deoque his disputationibus superiori æstate indulsumus (credo quod natura per nos eadem moliebatur, quæ per Galileum obtinuit paulo post) ut in ipsius vaKerij gratiam, etiam astronomiam novam, quæ pro ijs qui in luna habitant, planeq; Geographiam quandam lunarem conderem: cuius inter fundamenta, & hoc erat; maculas esse continentes, lucidas partes maria. Quid me mouerit, ut hic Plutarcho contradicerem videre est fol. 251. Libri mei, experimentum scilicet ubi allegatum, quod cepi in monte Styriæ Sceckel, ex quo mihi subie-

Etus

*flumini* videretur lucidus, terræ tenebrosiores. *At* infirmitatem applicationis folio verso Margo ipse indicat. Scilicet non luce communicata ex Sole, ut terræ, lucebat flumini; sed luce repercussa ex aere illuminato, propterea & causas experimenti tentavi infelicititer. Nam contra doctrinam Aristotelis libro de coloribus, hoc asserui: aquas minus de atro participare, quam terras. Qui enim hoc verum esse possit, cum terræ aquis tinela nigriores euadant? & quid multis, da lunam ex alba gleba constare, ut Cretam insulam, (quomodo Lucianus lunam dixit Casei similem terram esse) concedendum erit, clarius resplendere illam ex illuminatione Solis, quā maria, quantumvis non attramento imbuta. Itaque nihil me liber meus impedit, quo minus te audiam, contra me, pro Plutarcho, Mathematicis argumentis differentem, illatione argutissima & inuita. Lucida quippe partes multis cavitatibus debiscunt, lucida partes tortuosas lineas illuminantur, lucida partes eminentias habent magnas, quibus vicinas partes praeuertunt in illuminatione: eadem & contra Solem sunt lucida, parte à Sole auersa tenebrosa: qua omnia in sicco & solido, & eminenti locum habent, in liquido minimè. Contra tenebrosas partes, nota antiquitus, sunt aquabiles; tenebrosas partes tardè illuminantur, quod earum arguit humilitatem, cum circumstantes eminentes iam longè lateq; colluceant, & à tenebrosis illuminatis nigrore quodā, velut umbra aslinguantur; linea illuminationis in parte tenebrosa reuera est, in quadris: qua vicissim in humorem competunt, ima petentem, & pondere suo fusum ad equilibrium.

*His* inquam argumentis planè satisfecisti: do, maculas esse maria, do lucidas partes esse Terram.

Postea transit ad quasdam contemplationes proprias, & ostendit rationem allatam à Nuntio cur æqualis appareat extremus lunæ circulus, consentire cum ijs quæ ipse scripserat in suis opticis: similiter ea quæ de aere lunari à Nuntio prolata fuere eodem pacto confirmat; atque ea comparat, cum quibusdam dictis Mastlini, ubi sua sæpius citat optica, & denum hæc habet.

Sequitur in tuo libello fol. 13. ingeniosa, & legitima demonstratio eius quod à me quoque fol. 250. passim dictum est, demonstratum vero minimè. Montes lunares multo maiores esse terrenis; idque non tantum in proportionem suorum globorum, quod ego dixeram: sed in comparatione simplici. Scilicet desiderabatur ad hoc demonstrandum,

## Discussio

*tuum perspicillum, tua in obseruando diligentia.*

Quæ postea ab illo subduntur de sideribus fixis, commodius infra adducentur postremo omnium agit de quatuor nouis planetis.

*Tandem ad nouos planetas tecum transeo: rem præcipuè admirationis in libello tuo; paucula tecum super eo negotio, præter ea quæ initio dicta, collocuturus.*

*Primum exulto me tuis laboribus nonnihil recreari. Si circa vnâ fixarum discursitantes inuenisses planetas; tam erant mihi apud Bruni innumerabiles parata vincula & Carcer, imò potius exilium in illo infinito. Itaque magno in præsens me liberaſti metu, quem ad primam libri tui famam ex Opponentis mei triumpho cõceperam; Quod quatuor illos planetas non circa vnâ fixarum, sed circa sydus Iouis ais discurrere.*

Hec in medium attuli, vt illis os obstruerem qui ex hisce dicunt colligi posse, nouos planetas fuisse prius ab aliis deprehensos: Profectò Brutii, & Bruni aniles fabulæ, tantum Galilæum ad nouos planetas detegendos iuuare poterant, quantum lepida quorundam historia, quod cœlum sit lac, & luna coagulum eius, eundem potuerit præstantem Mathematicum ad Phænomena illa diuinissima lunæ contemplantum excitare. Postea transit Cæsaris Mathematicus ad proprias speculationes quarum aliquæ forè inferius adducentur: & demum finem facit ita. *Tecum Galilæi incepti. Tecum finem faciam, sed epilogum hunc supra citauimus.*



# CONFUTATIO

## PRIMI PROBLEMATIS.



**I**n primo Problemate duo tantum affert peregrinus noster argumenta, nam in reliquo tempus terit in rixis & iocis, ut non tam philosophari, quam Poetæ Satyrici partes agere videatur.

Primæ ratio est, si quatuor noui planetæ circa Iouis Stellam reuera existunt: aut fuerunt antea in cælo, aut non; quoniam secundum membrum haud indigebat impro-

batione, impugnat primum, quia sequeretur illos prius videre potuisse Mathematicos. Quam ineptè, cum fatearis Tychonem inuenisse mille, & plures Stellas, quæ neque Ptolomæo, neque ulli alteri astronomorum prius cognitæ fuere; nunquid idem tuum contra Tychonem non militaret argumentum? Profectò si fide dignus es, impossibile esset aliquid inuentis addere. Sed affirmas illum perfectiora habuisse organa ad nouorum syderum, observationes.

Detrahære aliquid astronomiæ restauratori eminentissimo, sacrilegium esto: Verum tuus hic profusus dicendi modus tibi refugium ad aras nequiquam præstabit. Scio optimè Tychonem Braheum habuisse quadrantes, sextantes astronomicos, armillas æquatorias, & alia id genus instrumenta exactissima, ad Stellarum morum, longitudinem, & latitudinem inuestigandum; Sed dic mihi ubi scriptum reliquit de perspicillis, aut aliquo alio instrumento analago illi Galilei, certè hæc siccò pede non pertran-

## Confutatio

lisset Keplerus. Lectorem remittimus ad Tychonis mechanica, ubi non solum habes instrumentorum quibus utebatur imagines, sed & ipsius domus versatilis figuram, & descriptionem. Nec minus quoque late mathematicos habere plures modos ad corroborandum facultatem visum irrecliptibus, & dum interdum Stellam aliquam illustrem observare cupiunt, quod ego factitarum vidi in Venere, & Iove, dum una cum Sole super Horizontem existerent. Similiter etiam in illis Stellis observandis quæ propter insignem parvitatem, modo veluti caput exeret, & iterum abdere conspiciuntur; quoniam acies propter consumptionem spirituum animalium non potest longo tempore in tanto conatu persistere.

Et quamvis Mathematici habeant, & habuerint pulcherrima inventa ad naturalem oculorum suorum adiutandâ, hæc tamen neutiquam equiparanda sunt. Nonne ipse tu ingrattissime concedente tibi Galileo perspicillum, eius ope in nebulosa præsepe, quâplurimas lucetissimas Stellulas, ita distinguebas, ut eas numerare poteris? nunquid hic etiam quam tibi somnasti radiorum concentratio locum habebit? Cur manifestissimas hæc Stellulas à nemine Mathematicorum prius deprehensas intactas reliquisti? creditum enim est hucusque fuisse particulam cæli denotâre homogeneam, & haud interruptam, quæ tamen ad tantam densitatem non attingeret sicuti alie fixæ, quæ à lumine Solis impetrectabiles illud totum ad nos reuerberant. Cur item innumeratas illas Stellas in via lactea observatas in controversiam non adduxisti? si antiquorum est sententia, quid tum? multi etiam oppositum tenuerunt. Sed esto quod omnes idem senserint, fuit hæc solum opinio antiquorum; non enim habuere rationes ita necessarias quæ huius conclusionis scientiam in illorum animis generare poterant; Sed ut rectè Keplerus, alia de re sermonem faciens, tantum interest inter rationales antiquorum coniecturas, & ocularem summi viri experientiam, quantum est inter Ptolomæi disputationem de antipodibus, & Columbi detectionem novi orbis. Imò longè maior est differētia, quia Ptolomæus habebat plura principia ad id inferendum: sciebat enim terram esse sphericam; Item quam proportionem haberet pars terræ suo tempore cognita, ad reliquam; neque videbatur possibile quod tam immensum mare per se solum subsisteret.

Ego



Ego nunc admirabilis huius perspicilli perfectiones explanare non conabor : sensus ipse iudex est integerrimus circa obiectum proprium. Quid quod et nunc mille passus & ultra, cum neque uere iudicares obiectum, adhibito perspicillo, statim certo cognoscas, esse hunc Socratem Sophronii filium venientem ; sed tempus nos docebit, & quotidiana nouarum rerum detectiones, quæ egregie perspicillum suo fungatur munere, nam in hoc tota omnis instrumenti sita est pulchritudo. Audiueram paucis ante diebus auctorem ipsius Excellentissimo D. Ciemonino Purpurato Philosopho varia narrante scitu dignissima, & inter cetera quomodo ille minimorum animantium organa morus, & sensus ex perspicillo ad vnguem distinguat ; in particulari autem de quodam insecto quod utrumque habet oculum membrana crassiuscula vestitum, quæ tamen septem foraminibus ad instar larvæ ferreæ militis cataphracti terebrata, viam præbet speciebus visibilibus. En tibi notum argumentum, quod perspicillum per concentrationem radiorum multiplicet obiectum ; sed audi prius quid tibi dicturus sum in cæteris animalibus eiusdem magnitudinis, vel minoris, quorum etiam aliqua splendidiore habent oculos, gemini tantum apparent, cum suis supercilis aliisque partibus annexis.

Hic præterire non possum, quam inuidiosè Galilei deprimas perspicillum his verbis.

*Omnes Mathematici, sciunt. Quæ eruditione Tycho Brahe Ottonides Danus præditus fuerit, quo visus acumine excelluerit, quam sumptuosa instrumenta ad observationes caelestium planetarum, & cæterorum æsterismorum confecerit. Quæ indefessa industria per multos annos in inquirendis, & observandis minutissimis Stellulis usus sit, ita ut mille aliis Stellulas minutissimas, quas neque Ptolomæus, neque Galileus vidit inuenerit. Potuit hoc Mathematicus ille optimus sine perspicillo præstare? &c.*

Tu, itæc maleuolentia potuit etiâ te ad mentiendû impellere. Vbi precor inuenisti apud Tychonem millenum illum Stellarum numerum, quarum nullam Ptolomæus vidit? aut in qua parte cæli latent Stellæ illæ tam frequentes quas suo perspicillo Galileus deregere nequit? fortè tibi ab alio ita relatum est? noli ita credulus esse. An quia cum inuenisses in Progymnasmatibus Stellarum



## Confirmatio

latū numero circiter. 1024. (neq; puto 6. vel 7. plures ibi repeteri) longitudines, & declinationes ab eximio astronomiae iustauratore emendatas, putasti omnes has Stellas fuisse ab illo primo repertas; ille igitur omnium primus vidisset canem maiorem, & reliquas Stellas. Primæ magnitudinis, neque ante Tychonem vlla apparuisset Stella in cælo: verum eosdem asterismos, & eundem Stellarum numerum ante Ptolomæum digessit in ordinem Hipparchus. Qui igitur fieri potest, ut mille alias Stellulas inuenerit Tycho; cum oēs quæ apud eum habentur non cōpleant numerum millesimum centesimum? Sed & ipse Tycho minutissimas illas Stellulas quæ nuper in via lactea detectæ sunt negauit; vide Keplerum in sua dissertatione cum Nuncio pagina 23. qui sic loquitur.

*De galaxia, nubeculis, & nebulosis conuolutionibus, beasti astronomos & physicos, detecta earum essentia; & confirmatis ijs, qui pridem hoc idem tecum assenerabant nihil esse, nisi congeriem Stellarum confusis luminibus ob oculorum hebetudinem.*

*Itaque desinent porro Cometas, & noua sidera cum Braheo efformare ex via lactea: ne perfectiorum & perennium mundi corporum interitum absurdè introducant.*

Miror præterea cum lectione Kepleri profiteatis cur tam parui facias Galileicas obseruationes respectu Tychonicarum; poterat cerrè Kepleri Authoritas tuum os obturare, qui hæc habet pagina vndecima.

*Atque hæc de instrumento ipso, iam quod ad usum eius attinet, argumentum sanè est inuentum tuum, quomodo cognoscatur, quanta fiat reum per instrumentum ampliatio, & quomodo singula in cælo minuta & minorum partes dignosci possint: Qua in re cum in certamen veniat industria tua cum Tychonis Brahei in obseruando. Certitudine accuratissima: non abs re fuerit aliquid interloqui.*

*Memini cum Polyhistor ille scientiarum omnium Io. Pistorius ex me quæreret, non una vice; num adeo limitata sint Braheana obseruationes, ut planè nihil in illis desiderari posse putem? valde me conuendisse, ventum esse ad summum, nec relictum esse quicquam humanæ industriae, cum nec oculi ferant maiorem subtilitatem, nec refractionis negotium, siderum loca respectu horizontis statu mouens: atque hic illum contra constantissimè affirmasse, venturum olim quipercipiturum,*

rum ope subtiliorem aperiat methodum: Cui ego refractiones perspicillorum, ut ineptas ad observationum certitudinem, opposui. At nunc demum video, verum in parte vatem fuisse Pistorium. Ipsa quidem Braheii observationes per se stant, habentque suam laudem. Nam quid sit in cælo arcus 60. graduum; quid 34. minuta: hoc solis Braheii instrumentis innotescit. At ubi Braheus hoc pacto gradus cælestes (vel etiam ego meo artificio optico lunæ diametrum) in cælo fueramus aimensi: iam superveniens tuum Galilæi perspicillum, & quantitatem illam à Braheo, & à me proditam complectens, subtilissimè illam in minuta, & minorum partes subdividit; seseque Braheii methodo observandi, elegantissimo coniugio associat: ut & Braheus ipse habeat, quo tua observationis methodo gaudet, & tu tuam ex Brabeana necessario instruas.

Vis dicam quod sentio? Opto mihi tuum instrumentum in Eclipses lunaris contemplatione: sperarem ex eo præstantissima præsidia ad expoliendum, est ubi & reformandum, totum Hipparchum meum, seu demonstrationem intervallorum, & magnitudinis trium corporum, Solis, Lunæ, & Terræ. Diametrorum enim Solis, & Lunæ differentiâ variabilem, digitosque in Luna deficientes nemo exactius numerabit, nisi qui tuo instructus oculari, diligentiam in observando adhibuerit. Stet igitur Galilæus iuxta Keplerum, ille lunam observans, conuerso in cælum vultu, hic Solem, auersus in tabellam (ne oculum vrat specillum) suo uterque artificio: & ex hac societate prodeat olim nitidissima intervallorum doctrina.

Quinetiam (præter lunam) Mercuriū ipsum in disco Solis hoc meo artificio vidi: vide libellum hac de re editum.

Nec minus etiam, si Cometa quispiam effulserit, paralaxes eius (ut & Lunæ) ad Stellulas illas minutissimas & creberrimas, solo tuo instrumento conspicuas, collata, observari rectissimè poterunt: ex quibus de altitudine corporum illorum certius, quam hactenus unquam, licebit argumentari.

Atque hac tecum Galilæi, ad primū libelli tui caput, cōferre libuit.

Alterum argumentum quod in hoc problemate adducitur est. Si quatuor noui planetæ in cælo circa Iouis Stellam essent, videri etiam possent: contendit deinde multis exclamationibus, neminem unquam illos vidiſſe. Vis ne propterea in cælo non esse hosce planetas, quia à nemine libera acie conspiciuntur? penes

te erat



## Confutatio


re erat æquali facilitate impugnare Phænomena Lunæ, & singula quæ protulit Nuntius, quin & Stellulas tuas millenas, quæ in Ægipto Ptolomæum latuere, & primo à Tychone detectæ fuerunt, ac omne astronomorum inuentum ad naturales facultatis visus vires acuendas, eodem argumento destrues. Vident quotidie & videntur multi, ex perspicillis tam distinctè quatuor novos circa Iouem planetas, quam quæ in via lactea, conuolutionibus nebulosis, Orione, & Vergiliis, ex iisdemmet Organis conspiciabantur Stellulæ; quas neque tu, qui plus omnibus ausus es, in controuersiam adduxisti: atque non solum iis in locis, vbi nequaquam (ut pollicebaris) inuenies homines sine pelle, & pedibus incedentes, verum etiam vbi tu vacuo craneo vagabundus infans. Melius profectò illi qui hanc impudentiæ notam sibi inuri noluerunt, neque sensum negare, cum clarius cernerent quatuor illa noua, circa Iouem astra, quam alias quasdam Stellulas, quas certo sciebant esse fixas, & non ex radiorum concentratione creatas, (ut tu de erraticis illis, quæ circa Iouem sunt fabularis;) quippe quæ cōspiciabantur in parte cœli illustri aliquo sidere orba, neque circa aliquod astrum, quod poterat tantos radiorum fascies emitte: hi inquam inauditam fugientes nouitatem, ne alios præter septem introduceret planetas; dixere quatuor illa sidera circa Iouem esse Stellas fixas. Verum neque hæc opinio subsistere potest; quomodo enim respondere valebunt ad tam varios situs à Nuncio astronomico sæpe etiam eadem nocte notatos, nisi concedant Stellas illas erraticas esse? Præterea ex necessitate totus Zodiaci, & Eclipticæ circuitus huiusmodi Stellulis fixis confusus esset; quare igitur si perspicillum eo dirigas non conspiciuntur? Ponamus enim exempli gratia Ioue existente in primo puncto geminorum circa illum conspici quatuor Stellulas; cur inquā existente postea Ioue in tertio gradu eiusdem signi, si perspicillum ad principium geminorum dirigas, non amplius apparent quatuor illa sidera si fixa sunt? Et cur illa quatuor quæ in tertio gradu geminorum inhaerent nunc primo conspiciuntur, & antea non?

Respondebunt, id euenite quoniam Iupiter appropinquans, Stellulas illas magis illuminat: quamuis responsio hæc prima facie non omnem videatur excludere probabilitatem, tamen est satis pueriliter prolata; quia etiam si Stellulæ hæc aliquid luminis  
recipe-

reciperent à Ioue, attamen cum in firmamento sint, magno intervallo supra Iouem distita, non potest iter eorum in hunc variari propter tam paruum accessum vel recessum Iouis: imò cum Iupiter ad illas accederet deberet eas magis offuscare, vt patet in Sole cuius præsentiam pertimescit Iupiter & ipsa Venus. Item manifestè libera acie experimur Iouem ita sensibilibiter offuscare Stellas minoris magnitudinis cum ad illas appropinquat, vè vix amplius appareant: potius igitur series hæc Stellularum in Zodiaco, recedente ab illis Ioue emicare deberet. Item alius planeta, vel saltem Venus, idem faciens iter, deberet hæc easdem Stellas è tenebris eruere. Possem multa alia adducere, sed hæc. Interim sufficiant.

Postremo loco exigit nonnorum planetarum vsus in astrologia, & infert, quod Cardani, & aliorum, Theoricas septem planetarum destruant. Ad tritissimas hæc cauillationes, quas tu ex Keplero descripsisti, solutiones quas ille ibidem subiungit omittens, respondebit Excellentissimus Galilæus in opere quod nobis pollicitus est Nuntius; & ego inferius: quoniam eadem in alio Problemate reperitis, adducam quomodo his occurrat Doctissimus Keplerus. Certè non video quo pacto quatuor Medicea sidera reliquorum planetarum motuum calculo quicquam officiant. Esto quod repugnare possint quibusdam astronomorum suppositionibus, qui variis modis, & nouis excogitatis orbium, & circulorum generibus, saluare conantur septem planetarum phænomena, & motus inconstantes; nam qui exactiores fuerunt in supputando cælestium orbium motus, absurdissimis interdum antebantur suppositionibus, nec mirum quoniam supposito falso, sequi potest verum, quamuis non è contra.





# CONFUTATIO

## SECUNDI PROBLEMATIS.



SECUNDVM Problema præter rationem ponitur tanquam quid distinctum à primo, nam cum Philosophi quærent de aliqua re an sit, & partem negatiuam concluderint, nō amplius quærent quid sit, nec propter quid sit, cum non sit: sed voluit ille suo mori satisfacere, & quicquid in buccam venerit, id protinus in medium afferre, non animaduertens rationes in hoc secundo Problemate allatas pertinere ad superius, cum ipsorum planetarum esse destruere intendant.

Prima ratio contendit quatuor Stellulis circa Iouem vagantibus non competere definitionem planetæ. In his autem statuiq; planetarum essentiam consistere; Primo quod moueantur in inferiori regione cœli medii: ego agam partes interpretis, vult planetam non posse reperiri in elementari regione infra lunam, vt à definitione excluderet Cometas; Vult præterea de necessitate, planetarum orbis locari infra cœlum fixarum; scio de facto id ita esse, verum hæc non magis pertinent ad definitionem planetæ, quam albedo ad quod quid erat esse musci; sicut etiam nil facit ad definitionem Solis vtrum statuatur in medio immediate sub Marte, an plus infra, vt putauit Aristoteles: etenim si aliqua Stella esset supra octauam sphaeram, quæ motu vario sicuti alie errantes Stellæ circumduceretur, illa propriissimè dicenda esset planeta: sufficiant hæc de genere. Subdit differentiam. Stellæ erraticæ tum suum inter sese, tum ad Stellæ fixas situm & ordinem perpetuo mutant & variant; hucusque bene, & si hac differentia  
limi-

limitasset essentiam Stellæ in communi, planeta, in sua perfectè constitutus fuisset specie: verum quoniam videbas, quod sic minor propositio tui argumenti non recipisset alterum extremum maioris, addidisti præterea quod Stellæ erraticæ interdum sibi opponi debeant; quid si Venus & Mercurius cum Sole in Zodiaci oppositis ex Diametro punctis nunquam venirent, nūquid planetæ dicendi non essent? Profectò omnia quatuor Medicea sidera possunt habere oppositionem cum omnibus illis Stellis, cum quibus potest opponi Iupiter: at Iovi nunquam ex aduerso correspondent? quid tui.

Sed ne videar nimis scrupulosè singulas minutias examinare, accedamus ad peregrini nostri Achillem, fortasse enim & ipse putat rationes quas hæcenus attulit esse tantummodo probabiles, & tandem protulit ex opticiis, demonstrationem irrefragabilem, quia quod perfectius est, in intentione sit primum, at ultimum in executione. Paralogismus autem contendit oculum hallucinari vitio organi novorum siderum de rectore; tum quia perspicillum hoc, potest idem numero multiplicare obiectum, ut quod reuera vnum est geminum appareat; tum quia per concentrationem radiorum supra & infra corpus lucidum appareant oculi globuli quidam splendescences, quos ille etiam maculas appellavit; Primum probat à simili ducta confirmatione ab experientia: asseuerans quod in hoc perspicilli cristallo vna candela accensa possit multiplex conspici; vidit quoque ut perhibet spicam virginis duplicatam, & circa aurigam alias Stellæ antea à nemine inuentas. Demum conatur ostendere novos planetas nil aliud esse quam concentrationem radiorum circa Iouem argumento planè scæleno, & ad aliquam differendi normam penitus irreuerabili; attestatur enim se adeo verè, & certo scire quemadmodum scit Deum esse trinum & vnum, & animam suam esse in corpore (vtrum piè an impiè dictum nihil ad me) quod tota deceptio veniat per reflexionem. Sed quæso quam nam connexionem habet reflexio quam tibi fidei articulum fecisti, cum concentratione? Cerrè videntur esse tibi ini valdè dispariles; debuisses ostendisse, an & quò reflexio eccentricationem causet, aut e contra.

Deinde hæc sequuntur. *Patet enim quatenus recta perspicillum ad corpus Iouis dirigit projectio illa radiorum quæ venit à Ioue*

concentrata perpendiculariter, & per lineam parallelam apparens, sum & infra irradiatur, et sic necessario necessitate huius perspicillæ omnes hæc quatuor maculas minutissimas conspiciendas exhibet. Id Quam succinctè & profectò tota hæc argumentatio magno videtur indigere commentatore, ego nullam potui inuenire inter res mines cognitionem aut e hæreticam; quare enim si recta ad corpus Iouis perspicillum dirigatur, perpendiculariter solum concentrantur radii: hoc est ut puto te etiam intelligere infra & supra Iouem, dum orientalis vel occidentalis est; atque hæc est tota peregrini nostri optica demonstratio.

Adco ut quosdam non admirari non possum, qui in scribendo sunt elegantiarum & verborum prodigi, nec dubitent integras exirare paginas, cum taxare, capere, aut eludere volunt aliquem; aut ut ad rem ventum est, & cum deberent argumentum aperire, & profsequi, statim deficiunt: itaque tædet hoc ex illo inferre, & illud ab alio deducere. Parum certè mihi videntur Mathematicè agere, illasque imitari disciplinas, in quibus nihil non definitur; omnia coherent, quæque solæ scientiæ antiquitus, & apud Aristotelē nomen methodi meruere; à quibus omnes alie scientiæ, methodum si quam habent perfectam mutuarunt, & per analogiam ad has obiecti sui species, principia & passionēs suis neclunt ordinibus: Hinc est quod vniuersa Aristotelis philosophia tot geometriis scatcat exemplis, ubi aliquid difficile, & quauis alia via inapplicabile sese offerebat: sed & philosophus partem illam quæ est de dissertricis scientiæ obiecto principali, (de quo inuenio plus gloriari quam de reliquis) ex hisce disciplinis videtur excepisse, adeo ut logica quatenus est instrumentum sciendi Mathematicos legitimus parrus dici debeat, sed redeamus ad nos.

Et in primis perpendamus utrum perspicillum possit rem visam geminare: quoniam autem nullum diaphanum, ut diaphanum est, imò quamuis ad actum reducatur oculis est perceptibile, necesse erit potētiz visuæ obiectum omne terminatum esse; & hoc vel opacum, vel luce præditum esse poterit. Neminem puto tam perfrixtæ frontis esse qui audeat affirmare visibilia opaca ex perspicillo apparere gemina; enimvero tam illi qui navigationem, quam qui militiam exercent, plurima se à longè conspexisse iactitant, quæ aliter discernere haud valebant, nunquam tamen



tamen se deceptos fuisse conqueruntur, artificii um laudantes & admirantes. Verum cum hæc unicuique, qui vel semel perspicillum manibus tractauerit, perspecta sint, pluribus opus non erit.

Te interim Lector benignissimè monitum vòlo, posse obiectū apparere duplex, si utrèque lentes è directo sibi non correspondant, quod tum fit cum ambarum centra in Cylindro excavato, in quo insiguntur non distant à se invicem per lineam brevissimam, ita ut species recipiantur in oculo, & per partem concavam, cristalli minoris, & per partem planam eiusdem; unde rectè mihi facere videntur illi qui portionem illam planam quæ circa sphaeræ excavatæ segmentum est, reddunt visui impenetrabilem, vel ad modum glaciei albicantis imperspicuam; errorem autem faciliè deprehendes si lentes concentraveris; neque alio modo poterit nobis ostendere peregrinus noster quomodo candela accensa appareat geminata. Non tamen licebit hinc inferre organum hoc esse fallax, cum idem non semel peccatum contigerit in natura, quæ artis typus & idea est, aliqui enim referènt Aristotele ob oculorum intemperiem quandam res singulas duas numerabant, neque propterea naturale organū visus bene dispositum fallax erit.

Dicat itaque mihi peregrinus, cur nulla deceptio veniat per reflexionem dum intuemur corpus opacum, quamvis rectè perspicillum ad obiectum dirigatur? respondebit corpora opaca nō proiicere radios qui sunt materia reflexionis, & concentrationis. Ergo nolit, velit, fateatur necesse est, omnem deceptionem in corporibus lucidis euenire propter aliquam modificationem radiorum, qui iaculantur ad extra: ac si obiectum aliquod luminosum perfectè tñsum quod nullos germinaret radios, ex perspicillo intueremur, illud omnino vnum, & sicuti est conspiceretur. Nil mirum si primus hic Achilles exuniis spoliatus est quoniam Peregrinus fucatum adduxit Achillem, patroclum inquam qui hastam Achillis vibrare non valebat. Ego autem opinor abimaduerforem hunc originem sui erroris à principio falso accepisse.

Etenim non est opinandum solem aut reliqua astra, neque corpus aliud quod subiectum luci est iaculari radios ad modum ignis, qui corpuscula quædā quæ scintillæ nuncupantur emittit:

Vetus



## Confutatio

Verus enim & explosum est paradoxum, quod putabat lumen generari per defluxum corporum à corpore lucido, quia lumen educitur ex potètia matèriæ, quæ corpus diaphanum est, sicuti calor ex materia passi, nisi quid calor non sit totus simul & in instanti.

Neque item opinandum est radios illos esse lumen ibi magis densum circa suum generans; quia lumen non est corpus. Nec subiectum in quo generatur potest ibi esse magis perpetuo condensatum; luminis enim est attenuare & disgregare, ergo multo magis id, quod sibi proximum est.

Sed dices lumen esse ibi magis intensum: tibi facile concedam; quanquam fortè in medio perfectè diaphano illuminatio non est actio vniformiter difformis, sicuti sunt aliæ actiones quæ communiter ad alias qualitates terminantur, quia forsàn pars cõuexa orbis Veneris solem tangens non magis reducitur ad actum, quam pars concava eiusdem; Mercurio super infidens; adeo ut hæc & illa particula æqualiter recipiant lumen; quia quod qualitas producatur vniformiter difformiter (ut loquuntur scolæ) in subiecto, videtur tantum esse de ratione illarum, quæ sunt in subiecti parte post partem, & successiuè. Sed denique inquam lumen esse ibi intensius, nihilominus erit inuisibile, cum sit in medio quod diaphanum est, quia lumen nisi terminetur non venit sub obiectum proprium facultatis visus.

Itaque proiectio illa radiorum appatens est, neque reuera est aliquid in obiecto vel circa obiectum; sed accidit vel propter nimiam distantiam, cum propterea stellas fixas micare existimemus, planetas vero non: vel propter indispositionem mediæ, ut patet in halone aliisque apparentiis circa lunam dum nubila nox est: Vel propter excessum luminis; sicut manifestum est in sole: vel propter debilitatem facultatis visus, ut experientia docet in illis quibus planete inferiores scintillant: vniuersaliter autem: quia obiectum luminosum redditur improporcionatè potentie visus, siue id postea hac vel illa de causa fiat.

Hinc colligote in tua peregrinatione contra Nuncium toto celo aberrasse, cum vis nocte serena louem perfectius radios suos

suos exerere : etenim manifestè experimur cœlo aliquantum nubilo, Iouem longos radiorum ductus emittere ; nemo autem vidit bene temperata acie in Ægypto Iouem , vel scintillare quidem : cur igitur in serenæ noctis luciditate planetæ noui fiunt manifestiores.

Dices perspicillum prolongare radios : imò si fuerint vel omnino eos aufert , aut abbreviat ; quod facile erit experiri in organo ex puro cristallo concinne fabricato : namque illud Excellentissimi Galilæi adscititium à stellis fixis lumen amputat , ut videre est apud Nuntium , sed quoniam locum hunc citat Keplerus audiamus illum ad maiorem peregrini nostri impudèciam delegendum : ita scribit Mathematicus , cuius tecum magni facio auctoritatem , pagina 21 .

*Absolui alterum libelli tui caput de Luna : transeo ad tertium de sideribus cæteris .*

Prima tua observatio est magnitudo siderum , quorum corpuscula perspicillo inspecta , in proportionem ad Lunæ diametrum ais minui ; adducis & alia similia , quibus stellæ minuuntur , verissima & mihi longo tempore comperta , crespusculum , diem , nubem , velum , vitrum coloratū .

Hic tuas excusatio locutiones , angulum visorium nō à primario stellæ corpusculo , sed à latè circumfuso splendore terminari : item , perspicillo adscititiis accidentalesque fulgores stellis adimi .

Quærere lubet ex te Galilæe , num acquiescas in causis à me allatis . huius rei , ubi de modo visionis disputo fol. 217 . ac præsertim fol. 221 . opt. nam si nihil desideras licebit tibi porro propriè loqui ; luminosa puncta conos fundere suos in cristallinum , & post eum refractione facta eos rursus in punctum contrahere : Quia vero id punctum non attingit retinam , dilatatione noua superficieculam retinæ occupat , cum debuerit occupare punctum : itaque perspicillorum opera fieri , ut aliæ refractione intercedente punctum illud in res formem competat . Non igitur aliqui descendunt radij in oculum à splendore stellis exterius circumfuso : sed contra qui descendunt ab ipso lucido corpore radij , ij visio refractionum , & per noctem amplificatione foraminis vucæ , diffunduntur in splendorem in retiformi circa punctum , quod stellam debuit representare circumiectum . Neque perspicillum in terrâ adimit aliquid Stellis in Cælo , sed adimit aliquid lucis retiformi quantum eius redundat .

Deinde

## Confutatio

Deinde mutuatur rationem ab obseruatione quadam perspicacissimi Galilei ingentis fixarum multitudinis, ad confirmandum argumentum, quod idem Keplerus proposuerat contra mundi infinitatem libro suo de Stella noua cap. 21. fol. 104. Vide igitur quanti fecerit nouas hæc obseruationes, & num putauerit vitæ exercitatus quæ nihil non discussim reliquit, perspicillum vnum astrum reddere visui multiplex.

Quid tento; Egone tibi, vt oculis tuis non credas persuadere, qui illo ipso Galilei perspicillo spicam virginis duplicatam videri? Scio quod in reliquis sæpe falsum dixeris, sed hic quæso caue mendacium. Turpe profecto est, & præter naturæ ordinem aliquos interdum ita passionibus irretiri, vt volûtas potentia cæca ducat intellectum: ad turpius si eadem, quamuis regina sit, in sui assensum trahat visum reliquorum sensuum nobilissimum; non me præterit imaginationes similes aliquoties exiisse in actum, vt quod fortiter cuperent, se ante oculos habere existimarent, nā fortis imaginatio inducit somnum in alios sensus externos, vt quod videt oculus nesciat se videre.

Ego ex sexcentis, qui etiam hæc fabrilia tractant, & rectè vti sciunt, quique ad stellas in diuersis mundi plagis perspicillum direxerunt, nunquam audiui tale quid noui, nisi fortè oculis exceperissent stellam aliquam propè quam reuera existerent alia minora astra; sed neque circa spicam virginis, neque circa aurigam tale quippiam reperitur. Et meminî Mense Martio proximè elapso cum plurimi ad Mathematici ædes noua spectacula suspiciē, si gæratia concurrerent, me ex perspicillo aurigam obseruasse, qui doli sibi apparuit cum stella plaustræ super quam insidere videtur: intentio erat conijcere ex distantia, quæ valde magna conspiciebatur ex perspicillo inter aurigam, & stellam illam plaustræ, efficaciam organi in augendo obiecto.

Sed fortè obtusam habes aciem? faciliè te tacente crediderim, id enim arguunt rationes tuæ imbecilliter militantes contra Nunciū; etenim à sensibus ad rerum scientias veluti manu dicitur intellectus, præcipuè autem à visu teste Aristotele metaphysicorum primo, qui propterea etiam vult nos sensus diligere, & præcipuè visum. Sed de his satis.

Cum hætenus pateat ipsum corpus Iouis non multiplicari  
nume-

numero à perspicillo, quod in suo esse est, alio id etiam argumento comprobare placet; quia numerus ille stellarum apparet semper, idem vt perspicuum est in quibusdam ocularibus ad id, vt decipiant ex professo fabricatis, quæ in sua superficie pluribus terminantur planis, & si vnum in mensa ponas nummum, crescit in centum alios, tam similes primo atque illi æquales, vt tuum statim nequeas tollere nummum: aut saltem planetæ noui non deberent apparere adeo parui respectu corporis Iouis, cū per eandem refractionem conspiciantur illi, & Iupiter. Confusio ad concentrationem radiorum; profectò etiam si nolles hæc te cogeret ratio eo fugam arripere.

Demus itaque illi concentrationem radiorum, quam sibi fingit, & supra reiecta est, & inferius improbabitur, esse possibile; tamen in casu circa quem versamur implicaret contradictionem: quoniam fieri nequit vt plures sint concentrationes in vna, & eadem linea recta quæ è centro corporis lucidi educitur, à quo ipsi radii proiciuntur; nam in illo puncto in quo vna radiorum pyramis, siue conum dicere concentraretur, ibidem terminaretur, neque ultra progredieretur, quamobrem non posset illa eadem radiorum pyramis iterum, atque iterum concentrari; sic enim non repugnet dari processum in infinitum. At planetas novos supra & infra Iouem in eadem linea recta constitutos, semper quasi nobis exhibuit Nuncius. Et quamquam hæc sufficere possent, animus est adhuc liberalius cum illo agere, & concedere, licet gratis, quod vnus radiorum conus multoties concentrari possit in suo ipsius axe, seu altitudine perpendiculari, quæ à centro basis procedit ad apicem siue punctum concursus: id tamen certissimas Nuncii sideris observationes saluare insufficiens erit; quoniam pluribus in locis apud Nuntium habemus, & ipsi vidimus stellarum quæ in eadem linea recta dispositæ erant, remotiorem à Ioue, propinquiore maiorem apparuisse: Si autem stellulæ hæc fierent per concentrationem radiorum, contrarium semper deberet contingere, & stellæ Ioui magis propinquæ apparere semper maiores, vt quiuis facillè sibi deducere poterit ex natura conici (quam figuram imitantur radii ad concentrationem concurrentes;) cuius partes quo magis recedunt à base, eo magis cōstringuntur: neque tam efficax potest esse concursus radiorum in par-

## Confutatio

tibus remotis sicuti in propinquiorebus, quod facile illi concedere qui agentis necessarii, & limitatæ virtutis agendi modum, considerant.

Ast quid his opus est, cum concentratio, modo illo quo proponitur à nostro peregrino omnino fictitia sit: verissimum quidem est figuras regulares, & præcipue eas quæ plus occupant plani, illius circuli in quo sunt inscripibiles videlicet illæ, quæ plura habent latera & angulos, si elongetur posse apparere oculo circulares; imò & quadratum, sed ulterius elongari debet item figura altera parte longior, & parallelogramma quasi cetera, & trapezia multa eundem patiuntur affectum, quamvis non adeo perfecte orbiculentur sicuti figuræ regulares. Si igitur simile quid peregrinus noster in sua peregrinatione per concentrationem intelligat: non abnuo, verum quod in casu de quo præsens est questio id contingat, neque est verissimile.

Primo enim figura radiorum Iouis, supradictarum nulla est; deinde nunquam nisi una stella sub & alia supra Iovem in eadem linea recta apparet: tertio conus radiorum hoc præstare non posset cum non sit diuisus à corpore Iouis.

Sed instabis sic in tua inductione quam attulisti de figuris rectilineis quæ elongata cum cæteris conditionibus debitis possunt sese in formam rotundam contrahere, cur non meministi triangulorum? fortè verebaris quoniam fasciculus ille radiorum quos aio concurrere ad novos planetas efformandos, figuram triangularem videtur obtinere? Ego profecto non negauerim in debita distantia cum aliis requisitis, oculum posse omnes tres angulos à trigono amputare; sed nihil ad nos, quia basis trianguli radiorum Iouis descendentium vel ascendentium, coincidit cum ipsa diametro Iouis, vel est illi parallela tangens Iovem, aut si cupis erit linea orbicularis congruens parti circumsferentiæ maximi circuli sphaeræ lucidæ quæ Iupiter nuncupatur; atque omnibus hisce tribus modis, semper valet sequela, quod aut nouus planeta nunquam apparet integer, quia magna illius pars lateret sub Ioue; vel saltem quod semper videretur quasi tangere Iovem; præterquam quod vnica tantum semper conspiceretur stella sub & supra Iovem, ut dictum est paulo ante.

Vetum adhuc supersunt peregrine mi Problemata quædam, quæ

quæ mihi soluere teneris. Dic igitur quæso cur una nocte omnes quatuor stellæ novæ, habere visæ sunt positionem supra Iovē versus meridianum circulum? tunc sanè te ipso iudice poterat Iupiter radios perfectè exerere, qui vis tum temporis solummodo conspici novos planetas. Si igitur potuit Iupiter supra radios emitte ad quatuor stellas efformandas, quid rei est, quod eodè temporis momento non valebat infra radios dimittere ad vnum vel alterum planetam gignendum? Fortè quia tunc Iupiter ab alia stella combustus erat, (puto enim te in astrologia Iudiciaria esse satis curiosum, tibi quæ complacere causas ab alto ductas:) ita ut omnes radii propter insignem levitatem tenderent sursum. cur alia nocte omnes eadem quatuor stellæ sub Iove versus horizontem conspiciebantur, & nulla supra Iovem? Vtèrius quare interdum duæ supra, & duæ infra Iovem: tres supra & una infra; tres infra & una supra: cur quandoque non omnes quatuor, sed tres aut duæ tantum apparebant? quamcunque responsionem attuleris si quadrabit vni problemati, repugnabit alteri, cum hæc varietates apparuerint noctibus æqualiter serenis. Iterum, quomobrem in circulo declinationis versus meridiem, aut versus septentrionem caput non exerunt novi aliqui planeta? Fortè quia Iupiter eo radios eijcere nō audeat? negabis sensum. Cur deniq; si Iupiter vndiq; in circuitu radios exerit, illum non cingit novorum siderum corona? Profectò cum novos planetas observamus nō intuemur Iovem per rimam: Sed utiq; levis cristallina orbicularis sunt.

Misitavit præterea nescio quid in hoc secundo Problemate de projectione radiorum concentrata perpendiculariter; nunquid levis est vis visiva, ut interdum plus tendat sursum? nunquid gravis, ut declinet ad infra? deberet certè cum de vtraque qualitate motiva participat, quod tunc fortè erit, cum spiritus animales mediocrem obtinent temperiem, ad latera tendere, sicuti exhalatio illa quæ materia ventrorum est & illa flammæ ex qua capilli crispī oriundi sunt; sed nolo profundius hanc tuam inanem scrutari philosophiam.

En tibi Lector humanissimè ratiocinationes Peregrini nostri hætenus discussas, sublata effugia, argumentationes adductæ in contrarium, circa quas libuit Paulo diutius immorari, nec ut ille integra Problemata in dicendis conuitiis consumere.

## Confutatio

Te interim Peregrine paucis volo, dic mihi in aurem ? Siferent leges inuiolatas seruabo . Erantne hæc argumenta illa disertè mi quibus te in tuo procæmio ad quatuor nouos iouiales famulos auferendos, ab ipso arcanorum cœlestium fabricatore compulsus , fortasse nimis arroganter autumas ? tibi soli dictū sit ita ne philosophorum, & mathematicorum mentes ne deludantur illustrasti ? sicine posteros ab errorum labyrintho tuis cōcentrationibus vindicabis ? Profecto ex tuis per Galliam , & Italiam Peregrinationibus nuper editis, nihil noui percepimus.

Scit Illustrissimus Donatus Maurocœnus me illi hæc eadē argumenta, & alia maioris momenti contra nouos planetas per literas significasse, cum primum ad nos mortales descenderat Nunciū ille sidereus , & antequam tibi est data copia perspicilli ; nec temere profectō id feci , quoniam admiranda proposuit Nuntius spectacula , admiratio autem mortalium mentes ad disserendum, & rerum causis inquirēdas impulit, vt sapientissimè Philosophus primo suæ naturalis Theologiæ : sed te bene perspecta cessauit admiratio, & in eius sedem successit amor & obseruantia erga auctorem . Nunc autem plus mirari decet cum quempiam oppositum tenere audiuerō : habet enim ibidem Aristoteles hæc. Si nescienti huius Theorematis demonstrationē referatur , quod diameter est incommensurabilis costæ ; admirabitur statim, & in oppositum trahetur animus; qui enim sit, vt nulla tam parua inueniri posset linea, quæ quadrati latus, & diametrum eiusdem metiatur : adeo vt si diametrum multoties sumpta præcisè adæquer, nequeat omnino latus sæpius repetita, adæquare . At verò postquam illi eidem demonstratio innotuerit , hanc abiicit mentem, & tunc miraretur magis si præsumeret aliquis se inuenisse quadratum, cuius diameter cum costâ communem aliquam haberet mēsuram. Re postea maturius considerata paucis elapsis diebus, plura aggregauerā argumenta, singulis suas subnectendo solutiones, quæ ad Illustrissimum D. Henricum wotton pro nostro magnæ Britanniæ rege inuictissimo, apud Senatum Venetum, Oratorem, statim miseram; propter eius singularem peritiam, non solum harum, sed omnium liberalium artium, vna cum disputatione quadam contra multos murmurantes, qui modo planè inepto contra nouas obseruationes , præcipuè contra illa quæ dicuntur de luna insur-



insurgebant, inferentes qđ daretur vacuum, cœlū esset generabil  
& corruptibile, & multa alia quæ soluere non tenebatur Mathematicus. Scit Gymnasium Patavinum: sciunt bibliopolarum officina, quam acriter inter hos condiscipulos dissentiarum fuit, ubi non solum concentrationes, reflexiones, & alia plura in medium adduximus, verum etiam experimēta plurima, & rationes varias, ex refractionibus, quia hic punctus est; utrum, quomodo, & quot modis fallere possunt? sæpius vocatus est in testimonium Alhazen, sæpe citatus Vitello & alii: adeo ut nihil tibi relictum fuerit, præterquam calumniari, & disertè loqui.

Denique coronidis loco Peregrinus noster secundum Problemam perpulchro claudit mendacio, qui sic scribit. *Eundem Nuntium pagina tertia dicentem, plumbeo lubet iugulare gladio, ubi hoc modo ait. Quæ quidem disparibus inter se motibus circum Iouis. Stellâ cæterarū nobilissimā, tanquā germana eius progenies cursus suos, orbeshq; in 12. annis cōficiunt. Hac Nuntij verba obtrudunt palpū Græ.*

Nil mirum cum tam peruersè egerit, si nihil nunquam rectè citare potuit: suggillat enim Galilei scripta, ac si diceret Nuntius novos planetas 12. annorum spatio cursus suos conficere. Pro Dei atq; hominū fidē, quid nō audeant nostra tēpora? innatū est hoc quibusdam, ut quod non capiunt, improbēt. Tu contra id qđ non intelligis, scribis. Perpendat unusquisq; quam tibi q̄ siue ris topicā ex Nuntii verbis in Epistola nūcupatoria, sunt autē hæc.

*En igitur quatuor sydera tuo inselyto nomini reservata, neque illa de gregario, ac minus insigni inerrantium numero, sed ex illustri vagantium ordine, quæ quidem disparibus inter se motibus circum Iouis stellam cæterarum nobilissimam, tanquam germana eius progenies, cursus suos, orbeshq; conficiunt celeritate mirabili, interea dum unanimi concordia circa mundi centrum, circa Solem nempe ipsum; omnia simul duodecimo quoque anno magnas conuolutiones absolunt.*

Ecce quam apertè dicat planetas novos cursus suos non in 12. annis, sed celeritate mirabili conficere; tu verò abstulisti duas voces (celeritate mirabili,) & apposuisti 12. annos; sed audiamus iterum Nuntium pagina penultima pro se respondentem. Vbi clarissimè affirmat quatuor medicea sidera habere conuersiones proprias distinctas ab illa duo decēnali circumuolutione, qua una cū Ioue circa mundi centrum feruntur. His verbis.

*Ac pri-*



## Confutatio Secundi Probi.

*At primo cum Iouem consimilibus interstitijs, modo consequantur modo præeant, ab eoq; tum versus ortum, tum in occasum angustissimis tantum diuinationibus elongentur, eundemq; retrogradum pariter, atque directum concomitentur, quin circa illum suas consueuant conuersiones, intereadum circa mundi centrum omnes una duodecimales periodos absoluunt, nemini dubium esse potest.*

Et paulo post faterur horum quatuor tardissimum proprium intra 16. dies, aliquibus etiam horis deimptis, finire cursum, sic. n. eadem pagina scriptum reliquit Nuncius. *At planeta maximum permeans orbem, accuratè præadnotatas reuersiones perpendenti, restitutiones semimenstruas habere uidetur,*

Dubitat postea peregrinus de eo qđ lippis & tētoribus notum est, an uidelicet Iupiter cursum. 12. terminet annis.

Ultimo loco liceat mihi argumentum asserere inuitabile, cui, qui supra allatis rationibus minimè. Contentus sit, & perspicillum habuerit; acquiescat necesse est. Elige tibi hieme sequenti noctem in qua omnes quatuor; vel tres saltem medicei planetæ fuerint Ioue orientiores; itaque si ex perspicillo Iouem obseruaueris antequam meridianum pertingat circulum, omnes quatuor stellulæ apparebunt perpendicularitèr sub Ioue versus punctū orientis: Si igitur Peregrini cōcentrationes perpendicularitèr factæ vim habeant; siue quauis alia de causa, contingeret hallucinari oculum; postquam Iupiter meridianum perttansierit circulum, & paralleli quadrantem describit occiduum, deberent omnes quatuor stellulæ apparere, ut ante vnā vel alteram horam sub Ioue, sed versus occidentalē plagam; quod si adhuc Ioue orientiores persistant, & supra illum propinquiores meridiano circulo conspiciantur, signum erit manifestissimum organum non decipere. Vel elige tibi noctem in qua omnes quatuor stellulæ fuerint Ioue occidentiores, prout feret occasio.



# CONFUTATIO TERTIA PROBLEMATIS.



**N** Tertio Problemate contendit perspicillum nihil habere, quod sit sufficiens, ad observationes graduū & minutorum in cœlo; & ut calūniatores serē omnes, non afferat inuentum, quod est apud Nuntium pag. 7. ubi explicat qua ratione minuta, & minutotum partes liceat deprehendere; quia fortē tantam subtilitatem non intellexit.

Deuisset etiam re Kepleri sententia super hac re detertere, qui nihil quod prius non bene discussum fuisset, in tota sua dissertatione cum Nuncio, admisit, sic enim scribit pagina 11. *atque hac de instrumento ipso; iam quod ad usum &c.* Sed hæc supra citata sunt in discussione Primi Problematiss.

Dicam & ego tibi, sed rudius quam scripsit Galilæus, quomodo perspicillum sufficiens sit ad minuta dignoscenda in Cœlo; prius inuestiga vulgaribus Mathematicorum viis, quot nam minuta cōprehendat diameter lunæ, postea a perspicillis bracteas, ita perforatas, ut præcisè tota luna facies, & nihil plus ab oculo comprahendatur; certum est si perspicillū ad cœlum fixatū dirigas, quod diameter partis illius circularis, quæ ex perspicillo inuetur, totidem continebit minuta, quot continebat diameter lunæ; hoc est utraq; lineæ ad orbium in quibus sunt circulos maximos, eandē habebunt proportionem. Simili modo excindi possunt aliæ bractæ, pro paucioribus vel pluribus minutis, ex cognitione distantiarū inter duas stellas non longè à se inuicē distitas; aut si lubet, cognito semel quod tales duæ bractæ coaptatæ talibus specillis in tubo tantæ longitudinis, tot minutorum species visibiles ad oculum intromittāt, potes ex regula proportionum, alias ad libitum inuenire bractæas. Sed nolo ego faciem in alterius messiem immittere: pollicitus est Nuntius per aliam occasionem, absolutam huius organi Theoriam in medium proferre.

Quæ de nunc perstrepat Peregrinus, de Cœlo Patavino, refractionum copia & vicissitudine; relinquimus Tycho ni soluenda; qui in Dania, ubi hæc & similia impedimenta magis vigeant, potuit singulas hæc difficultates superare.

## CONFUTATIO QVARTI PROBLEMATIS.



**L**N Vltimo Problemate, nihil aliud præter quatuor nouorum planetarum vsum in mathematica disciplina requirit; Verum huic quæstioni satisfacimus in discussione Secundi Problematidis propè finem. Quod si alium adhuc eorum appetit vsum; in promptu erit. Dico igitur horum quatuor nouorum planetarum, & aliarum etiam stellarum minimarum ingēcis multitudinis perspicilli beneficio nūper detectarum, non infimum vsum futurum esse, in illos exercendo, excruciendo, & perturbando, qui vt tu nimis superstitiosè, minimas etiā in cælo scintillas, ad effectus particulares applicare conabuntur, atque hominum liberæ imperare voluntati velint. Mitior te fatidicum hominem potius non animaduertisse, vnā Nuncii obseruationem esse manifestè contradiuicariarum axioma quoddam, qui putant multum posse in natū genitura circa oculorum passionēs stellam nebulosam præsepe, cum ipsa veluti lumine orba sit; at Nuntius qui obseruauit illam non esse vnā stellam, sed congeriem stellarum lucidissimarum, ab huius mali hominis metu liberauit posteros.

F I N I S.

---

Ego Fr. Vincentius Panhormitanus Regens Studij Patauij, vidi hoc opus diligenter, nihil continere contra fidem, nec contra Principem, seu bonos mores, ideo meo iudicio, iudico imprimendum fore.

Stante suprascripta attestacione Conceditur, vt imprimantur Fr. Angelus de Arimino, Vic. Sancti Officij Paduæ.

Imprimatur. Octauius Liuellus pro Serenissima Republica Veneta.

MC

